

riſiter de tantis myſteriis nugantur. Atqui lex Dei vetat ne foemina vel ipſum ſolum viri veſtimentum induat, nedum vt ſe in illius ſpeciem tranſformet, Deuter. 22. 3 Deinde de vtriuſque longitudine & latitudine & locali diffuſione blaſphemè ſentiunt. 4 Astrologia iudiciaria, Magia & variis incantationibus vtuntur, per quas futura ſe prænuntiare affirmant, quanquam maniſteſſimè deprehendantur mentiri. 5 Aquam tanquam Deum adorant. Epiphani. itemque duas quaſdem foeminas ſanctè vt deas colunt, quarum vni nomen fuit Marthus: alterius Marthana, quarum pedum puluerem & ſaliuæ ſecretum ſeruant & colunt, vti Papiſtæ reliquias ſuorum ſanctorum, per quæ ſe morbis multis mederi dicunt. Fuerunt autem Elceſai cognatæ, vt quidam volūt: vt alij verò, ſcorta. 6 Negant peccare eos qui perſecutionis tempore fidem Chriſtianam negant vel eiurant. Aduerſus quem errorè accuratè diſputauit Origenes eumque confutauit, quemadmodum etiam à Chriſto damnatur Matth. 10. verſ. 33. & à Paulo Rom. 10. verſ. 10. Dixit autem & ſenſit hoc Elceſai propter perſecutiones acerbiffimas à Iul. Maximino Imperatore Roman. excitatas, in quas incidit, & quarum terrore percuſus hoc ſuum dogma finxit, vt ſibi in abnegatione Chriſti faceret delicias, & impunitatem concederet. 7 Librum quendam Apocryphum à ſe conſcriptum tantopere commendant, vt ex eius vel ſola electione omnium peccatorum remiſſionem à nobis obtineri contendant, non tātum fidem & doctrinam percipi. Hæc autem iſanorum iſtorum deliria fuerunt.